

بصائر من سورة الفاتحة - ج 31

محمد حسين يعقوب

اعوذ بالله من الشيطان الرجيم. بسم الله الرحمن الرحيم ان الحمد لله احمده تعالى واستعينه واستغفره. واعوذ بالله تعالى من شرور انفسنا ومن سيئات اعمالنا من يهده الله فلا مضل له. ومن يضل فلا هادي له. واشهد ان لا اله الا الله وحده لا شريك له. واشهد ان محمدا - 00:00:00

عبدہ ورسولہ. اللهم صل على محمد وعلى آل محمد كما صليت على ابراهيم وعلى آل ابراهيم انك حميد مجيد اللهم بارك على محمد وعلى آل محمد كما باركت على ابراهيم وعلى آل ابراهيم - 00:00:22

انك حميد مجيد. يا ايها الذين امنوا اتقوا الله حق تقاته ولا تموتن الا وانتم مسلمون يا ايها الناس اتقوا ربكم الذي خلقكم من نفس واحدة وخلق منها زوجها. وبث منهما رجالا كثيرا ونساء. واتقوا الله الذي تساءلون به والارحام - 00:00:39
ان الله كان عليكم رقيبا. يا ايها الذين امنوا اتقوا الله وقولوا قولا سديدا يصلح لكم اعمالكم ويغفر لكم ذنوبكم. ومن يطع الله ورسوله فقد فاز فوزا عظيما. اما بعد فان اصدق الحديث كلام الله تعالى - 00:01:04

ان خير الهدي هدي محمد. صلى الله عليه واله وسلم. وان شر الامور محدثاتها. وكل محدثة بدعة وكل بدعة ضلالة وكل ضلالة في النار. ثم اما بعد فاو لا اني احبكم في الله - 00:01:23
واسأل الله جل جلاله ان يجمعنا بهذا الحب في ظل عرشه يوم لا ظل الا ظله. اللهم اجعل عملنا كله صالحا واجعله لوجهك خالصا ولا تجعل فيه لاحد غيرك شيئا - 00:01:38

وما زلنا مع الحمد واصل اليوم حمد بحب اللهم ارزقنا حبك وحب من احبك وحب كل عمل صالح يقربنا الى حبك وحب كل عبد صالح يحبك حمد بحب القضية في الحمد - 00:01:53
والكلام الكثير للعلماء في التفريق بين الحمد والشكر وبين الحمد والثناء خلاصة الكلام ان الحمد اعم لانه يحمد المحمود لذاته ولافعاله اما الشكر فعلى الفعل بمعنى انك تشكر انسانا لانه قدم اليك خدمة - 00:02:18
لكن قد تحمده دون ان يؤدي اليك اية خدمة ان اخلاقه كويسة وهو ما عملكش اي حاجة ده راجل طيب من غير ما تستفيد منه ادنى شيء. فالله جل جلاله هو المحمود لذاته - 00:02:42

لكماله ولافعاله سبحانه وتعالى. فلكي تستشعر معنى الحمد على الضراء كما هو الحمد على السراء حسن ظن حسن ظن يعني حين تبثلى نسال الله العافية ان ابتليت باي بلاء فانك تحمد الله جل جلاله على هذا البلاء ان الله لم يبتلك ليهلكك وانما ابتلاك لمصلحتك - 00:02:59

هذا البلاء فيه مصلحة. بس انت مش فاهم ممكن مش باينة دلوقتي لا شك هذا البلاء في مصلحته. انت شايفها شر بس هو ده عين الخير بس انت مش فاهم - 00:03:28

هذا وجه حسن الظن بالله عز وجل. لكن تحمده لزاته سبحانه وتعالى لذاته جل جلاله. ولذلك حين يقول الله سبحانه وتعالى في الاية الاولى من سورة سبأ وله الحمد في الآخرة - 00:03:40

وهو الحكيم الخبير له الحمد على ادخال اهل النار النار له الحمد على ذلك وله الحمد على ادخال اهل الجنة الجنة فالله عز وجل هو المحمود لذاته على الاطلاق وان لم يصلك منه شيء - 00:04:01

وهذا مستحيل طبعا بل كل ما فيك ابتداء من الابداء ومرورا باستمرار الحياة ووصول الى الموت كل هذا ممن من الله. ولذلك له

الحمد في الاولى على الابداء وفي الاخرة على - 00:04:21

الامانة له الحمد في الاولى والاخرة الشاهد اننا نريد ان نعيش هذه الاسبوع مع الحمد بحب ان نحمد الله عز وجل وانت تحبه تعالوا

نشوف كلام ابن القيم في مسألة الحمد بحب دي - 00:04:39

يقول الشيخ ايه المخلوق كلما خفته استوحشت منه وهربت منه والله كلما خفته انست به وفررت اليه المخلوق يخاف ظلمه

وعدوانه والله يخاف عبده وقسطه شفت دي انك تخشى من المخلوق ان يظلمك - 00:04:59

وتخشى من الله ان يعدل فيك لانه لو حاسبك بالعدل تضيع صح لو جه يحاسبك بالعدل كده والقسط هتضيع قصة الراجل اللي عبد

الله خمسمية سنة على رأس جبل ومات وهو ساجد وقيست عبادة خمسمائة سنة على رأس جبل - 00:05:28

الى نعمة البصر عملت ايه طوشة العبادة هو ده العدل تدخيل عبدي النار بعمله فالمخلوق يخاف ظلمه وبطشه والله جل جلاله انما

يخاف عدله وقسطه وكذلك المحبة محبة الحمد وحمد المحبة - 00:05:51

فان محبة المخلوق اذا لم تكن لله فهي عذاب للمحب ووبال عليه وما يحصل له بها من التألم اعظم مما يحصل له من اللذة وكلما

كانت ابعد عن الله كان المها وعذابها اعظم. ولذلك لا محبة الا بحمد ولا حمد الا - 00:06:13

بمحبة انظر الى المخلوق وما في محبته من الاعراض عنك والتجني عليك وعدم الوفاء لك اما لمزاحمة غيرك من المحبين له واما

لكراهته ومعاداته لك واما لاشتغاله عنك بمصالحه وما هو احب اليه منك - 00:06:37

واما لغير ذلك من الافات. اما الله فان تقبل عليه يقبل عليك وصلت دي ولا انت مش معي انا شايف الناس مبلمة كده بتصلي؟ صلى

الله عليه واله وسلم كلام زي الفل - 00:07:07

ابن القيم بيقول ايه بيقول انك انت ممكن تحب حد وتتعزب بحبه ده ازاي؟ بمنتهى البساطة ان هو انت تقبل عليه وهو يعرض عنك

انت تقبل عليه وهو يعرض عنك ده عزاب - 00:07:24

اه طبعاً والتجني عليك وعدم الوفاء لك مشكلة الوفاء في زمانا ده واضحة اوي ما عدش فيه وفاء ابداء وانما الغدر صار شيمة الناس

ودأب الناس في هذا الزمان الذي صار - 00:07:43

الماديات هي الاصل دون المعاني نسأل الله ان يهدي المسلمين. ولذلك العلاقة في الله دي علاقة طاهرة نضيفة سامية جميلة في وسط

الجو ده وعشان كده لما يبقى بينك وبين حد علاقة في الله خليفها كده. في الله. ما تدخلش فيها حاجة تاني - 00:08:02

عشان تفضل نضيفة وعالية في الزمن ده اللي الناس بنت علاقتها على المصالح وبنت علاقتها على الكسب زي ما دايماً يقول هتعمل

لي مصلحة اعمل لك مصلحة في مصلحة بقى الكلام كده بالمصلحة - 00:08:24

لكن اذا كانت علاقة حب في الله بحبك في الله بتحبني في الله بس مش اكثر ده معنى عالي وسامي اوي اوي. فسبحان الملك لما

نيجي دي بقى لمحبة المخلوق تلاقيها كلها عزاب. اما يعرض عنك - 00:08:41

او يغدر بك او لا يفي لك. ليه مشغول بغيرك لمزاحمة غيرك من المحبين له او لكراهته ومعاداته لك. انت بتحبته وهو ما يحبكش ابن

الجوزي بيقول كده في صيد الخاطر - 00:08:57

رأيت ان الانسان قد يصنع لزوجهه كلما يعجبها وهي لا تحبه وقد يفعل لابنه كل ما يرضيه وهو لا يحبه فخشيت ان يكون هذا حالي

مع الله يقول انا خايف احسن يبقى حالي مع ربنا - 00:09:13

انه كرهني وانا عمال اقرب له وهو برضو بيكرهني فقلت انا بقى ما ينفعش نقول جمب ابن الجوزي حاجة بس الله اكرم من هذا

سبحانه وتعالى ما تقيسش على المخلوقين - 00:09:36

هو سبحانه قال من تقرب مني شبرا تقربت منه ذراعاً ومن تقرب مني ذراعاً تقربت منه باعاً. ومن اتاني يمشي هرولت اليه. هو قال

كده فكما ان المخلوق غادر لذاته - 00:09:50

فالله كريم لذاته هو الانسان خلق كده غدار بيحب نفسه اناني. هو خلق كده! ده طبع الله جل جلاله هو الكريم لذاته هو الكريم لذاته

سبحانه وتعالى يقول ابن القيم واما محبة الرب سبحانه - 00:10:07

فشأنها غير هذا الشأن فإنه في الأصل لا شيء أحب إلى القلوب من خالقها وفاطرها فهو الهها ومعبودها ووليها ومولاها وربها ومدبرها ورازقها ومميتها ومحيتها فحمده مع محبته نعيم النفوس - [00:10:30](#)

وحياة الأرواح وسرور النفوس وقوت القلوب ونور العقول وقرة العيون وعمارة الباطن فليس عند القلوب السليمة والأرواح الطيبة والعقول الزاكية أحلى ولا الذ ولا أطيب ولا أسر ولا أنعم من محبته - [00:11:02](#)

والانس به والشوق إلى لقائه ودوام حمده والثناء عليه سبحانه الملك انت أحيانا لما تيجي في جوف الليل وترفع أيديك وتحمد الله وتثني عليه وتشكره وتتقرب إليه بذكر نعمه انت نفسك تحس في قلبك حلاوة ومتعة ولذة - [00:11:35](#)

لا توصف مع انك انت بتمدح ربنا وتثني عليه وقد تكون في غاية الإرهاق. ونفسك تنام. ولكن اللذة دي يمنعك من النوم يحرمك النوم لو حاولت تنام ما تقدرش والكلام بييجري على لسانك فتقوم تهرع إلى مصلاك وتسجد تشكر الله على هذه النعمة - [00:12:03](#)

فعلا النفوس الطيبة والأرواح الطيبة والعقول الزاكية ليس عندها أحلى ولا الذ من هذا. الحلاوة التي يجدها المؤمن في قلبه بذلك فوق كل حلاوة والنعيم الذي يحصل له بذلك اتم من كل نعيم. واللذة التي ينالها أعلى من كل لذة كما أخبر بعض - [00:12:30](#)

من وجد هذه اللذة بقوله انه ليمر بالقلب اوقات اقول فيها ان كان اهل الجنة في مثل هذا انهم لفي عيش طيب قل يا سلام! هم اهل الجنة يبقوا مبسوطين زبي كده - [00:12:54](#)

يبقوا فرحانين زي كده يبقوا سعداء زبي كده. هو احنا في الجنة نحس باللذة دي لان هو مستكتر دي مش ممكن ولا الجنة السعادة واللذة والمتعة دي. وقال اخر انه ليمر بالقلب اوقات - [00:13:11](#)

يهتز فيها طربا بانسه بالله وحبه له. وقال اخر مساكين اهل الغفلة خرجوا من الدنيا وما ذاقوا اطيب ما فيها قيل وما اطيب ما فيها قال محبة الله وعبادته مساكين مساكين الجماعة اللي مفكرين ان الدنيا دي اكل وشرب ونوم ولعب وفسح - [00:13:30](#)

غلبة والله غلبة. مش فاهمين ما يعرفوش. ما داقوش ما حسوش هم لو كانوا عاشوا هذه اللذة ولو لحزة واحدة كانوا باعوا كل ده ما كانوا يتفتوا ايه ابدًا وكانوا كرهوا اللي هم فيه - [00:13:59](#)

وقال بعضهم لو علم الملوك وابناء الملوك ما نحن فيه لجالدونا عليه بالسيوف لو الناس دول الملوك وابناء الملوك اللي عندهم فلوس احنا لو اتسألنا يعني الناس اللي بتسمع مزيكا صاخبة ديت في الشارع - [00:14:20](#)

دول بيدوروا على ايه اللي بييجري يتفسح يروح آآ كازينو ولا يمشي مع واحدة ولا يدخن سيجارة ولا يشرب بيدور على ايه؟ بيدور عليه ها؟ مش بيدور على السعادة - [00:14:40](#)

يسعد نفسه عايز يتبسط. عايز يفرفش. عايز يبقى مش هو ده اللي بيدور عليه؟ الملوك بيدوروا على الحاجات دي بالفلوس لو يعرفوا اللي احنا فيه بقى من غير فلوس كانوا يدبحونا عشان ياخدوه - [00:14:55](#)

هي دي الحقيقة من غير فلوس نهائي انك تفرش السجادة كده في اي حطة في الدنيا سواء في الغرفة دي او برة في الجنينة او في الشارع او فوق السطوح او في غرفة النوم - [00:15:11](#)

وتقول الله اكبر وتدخل في الصلاة بس مدح الله عز وجل والثناء عليه رفع أيديك بالدعاء والتذلل والدموع قمة اللذة والحلاوة والمتعة اللي بيدور عليها الناس يقول ابن القيم ووجدان هذه الامور اللذة والمتعة والحلاوة والسعادة - [00:15:27](#)

وجدان هذه الامور وذوقها بحسب قوة المحبة وضعفها احنا قلنا حطة جميلة يوم الحد اللي فات في المدايح ان ما فيش اجمل في الجنة من النظر الى وجه الله الكريم. صح - [00:15:52](#)

يعني انك انت تنظر الى وجه الله الكريم دي اجمل حاجة في الدنيا والاخرة لكن كمال اللذة بالنزرة على قدر كمال الحب والعلم واضح ولا اه يعني كل ما تبقى بتحب ربنا اكثر لما تشوفه تلتزق اكثر - [00:16:13](#)

كل ما تكون انت تعرف ربنا اكثر لما تشوفه حس بالله ازاى اكثر كمال اللذة بالنظر على قدر العلم ليه والمحبة ولذلك تجد ان بعض الناس في الجنة يرى وجه الله الكريم بكرة وعشيا يشوف الصبح ويشوفه - [00:16:33](#)

بالليل مرتين في اليوم صبح وليل وبعض الناس ما يشوفوش الا كل يوم جمعة بس كل يوم جمعة ينظر الى وجه الله الكريم مرة كل

اسبوع. ليه؟ لان الثاني ده لو شاف ربنا بكرة وعشية ما يحسش - 00:16:55

يبقى حاجة عادية بالنسبة له. اما المحب لما يشوف الصبح يقول امتى وييجي بالليل واما يشوف الليل يقول امتى وييجي الصبح

اللهم ارزقنا الجنة يا رب. ما هو التفاوت في الجنة - 00:17:11

في ناس في درجة وبيبصوا للي فوقهم كما تنظر الى الكوكب الدري في السماء. يعني تبقى قاعد كده وتقول لصاحبك او زوجتك

شايفة النجمة اللي هناك دي هو ده القصر بتاع سيدنا ابو بكر - 00:17:23

ربنا يجعلنا معهم تفتكر مستاهل كريم كريم كريم. نسأل الله عز وجل ان يجعلنا معهم. الشاهد ان وجدان هذه الامور الحاجات دي

عشان تدوقها وتحس بها الحلو والسعادة دي على قدر المحبة. بحسب قوة المحبة وضعفها - 00:17:39

وبحسب ادراك جمال المحبوب والقرب منه وبقدر حمد الله في قلبك ايه الاخبار يا عم احمد الحمد لله بيقول ايه الحمد لله ايه

الاخبار يا حاج محمد؟ الحمد لله يا عم كله تمام - 00:18:02

مش هي دي في فرق بين الحمد لله والحمد لله الحمد لله الحمد لك الحمد. بتفرق في فرق كبير بين دي ودي دي هي ديت

قوة الحمد في قلبك - 00:18:22

انك انت تبقى عايش معنى الحمد احنا بقى لنا ثلاث اسابيع عايشين في الحمد. اللهم ارزقنا حمدك وشكرك وحسن الثناء عليك انك

تبقى عايش الحمد فعلا من قلبك. الحمد لله مله قلبك. فعلى قدر حمد الله في قلبك مش باللسان. على قدر - 00:18:41

لله في قلبك يبقى التلذذ بالقرب والانس به سبحانه وتعالى وكلما كانت المحبة اكمل. وادراك المحبوب اتم. والقرب منه اوفر والحمد

في القلب اعظم كانت الحلاوة واللذة والسرور والنعيم اقوى - 00:19:00

فمن كان بالله سبحانه واسمائه وصفاته اعرف كان لحمده اتم انتم معي كل ما تعرف ربنا كويس كل ما تبقى ايه احمده صح احمده

صح لكن الناس اللي ما بتحمدش ربنا دليل على انه ايه - 00:19:18

ما يعرفش ربنا ما يعرفوش. والله لو يعرفه هيحمده حتى لو قطعوا حتت. يحمده سبحانه وتعالى احمده على كل شيء. فمن كان بالله

سبحانه واسمائه وصفاته اعرف كان حمده في القلب اتم - 00:19:40

وصار فيه ارغب وله احب واليه اقرب فوجد من هذه الحلاوة في قلبه ما لا يمكن التعبير عنه وما لا يعرفه الا ان يذوقها. ومتى ذاق

القلب ذلك؟ لم يمكنه - 00:19:57

ان يقدم على حب الله وحمده حب غيره وحمده كثير يحصل انك انت واحد يقدم لك خدمة بتبقى طابير به وناسي ربنا هي دي

المشكلة الكبيرة كنت مريض وواحد عاجلك - 00:20:22

كل ما تشوفه ايوه هو الراجل ده طب ما تنساش اللي سخر لك الراجل ده وييسر لك الراجل ده وسبحان اللي علم الراجل ده واعان

الراجل ده انه يخدمك فلذلك - 00:20:42

اللي بقى يحس بحمد الله في قلبه لا يمكن يا احمد حد على فضل الله ده هيشكره بس لله بس لله سبحانه وتعالى داك الشيخ بيقول

ايه ومتى ذاق القلب - 00:20:58

حمد الله بحق لم يمكنه ان يقدم عليه حمد غيره ولا حب غيره ولا انسا بغيره وكلما ازداد الحمد ازداد الحب وازداد الذل وازدادت

العبودية وازداد الخضوع والرق وازدادت الحرية - 00:21:16

من رق غيره ازدادت الحرية من ايه ابن القيم قال كده ولقد كان يسبي القلب في كل ليلة ثمانون بل تسعون نفسا وارجح كنت عبد

للفلوس وللعربية وللناس الناس بيقولوا عني ايه - 00:21:45

والناس هيقلولوا عني ايه وعبوديتك لمراتك ولولادك ولشركتك ولصحتك ولشهواتك كانت عبوديات مختلفة تيجي في لحزة من

اللحزات. لما تصح عبوديتك لله وحمدك لله تبقى حر من كل ده حر من كل ده - 00:22:08

وتستشعر ساعتها بطلاقة الحرية طلاقة تبقى عايش ترجو بس ان هو يرضى تبقى تبقى هيمان وتائه باللذة والمتعة اللي انت عايشها

في صلة به وتمسل كل الاشياء الاخرى مجرد رتوش - 00:22:31

مكملة للصورة اللي انت عايشها ما لهاش ادنى قيمة مش اصل انتم معي ولا ولا وصلوا على الرسول. صلى الله عليه واله وسلم يقول الشيخ فالقلب لا يفلح ولا يصلح - [00:22:58](#)

ولا يتنعم ولا يبتهج ولا يلتز ولا يطمئن ولا يسكن الا بحب الله عشان كده القلب اذا امتلأ بحب الله خلاص يبقى وصل يبقى خد حقه فساعتها ما يدورش على حاجة تانية - [00:23:17](#)

خلاص وشبع اللهم املاً قلوبنا بحبك لما يمتلئ القلب بحب الله بقى هيملتى بحمده او لم يمتلئ بحمده يمتليء بحبه. والذين اهدوا زاده هدى واتاهم تقواهم. فكلما ازداد هدى ازدادت تقوى وكلما ازداد تقوى - [00:23:46](#)

زي ما بنقول دايم كده هو الاخلاص بيوجب متابعة ولا المتابعة تجيب اخلاص الاتنين بيحبوا بعض. فلما تبقي مخلص ربنا يرزقك متابعة النبي. ولما تتابع النبي هتبقى هتبقى مخلص هي كده. فهي الحمد يجيب حب ولا الحب يجيب حمد - [00:24:05](#)

الاتنين يجيبوا بعض كل ما كنت احمد لله كل ما كنت احب له. وكل ما كنت احب لله كلما كنت احمد له هي كده هي القضية كده. فلما يمتلي قلبك بحبه - [00:24:21](#)

بحب ربنا لا يلتز القلب ما بعدها خلاص قفلت. امتلاً شبع مش عايز حاجة تاني مش عايز حاجة تاني خالص. وتبقى كل الحاجات التانية دي لمين للمحمود الله للحميد المجيد سبحانه وتعالى. فالقلب لا يفلح ولا يصلح. ولا يتنعم ولا يبتهج ولا يلتز. ولا يطمئن ولا يسكن الا بعبادة ربه وحبه - [00:24:35](#)

والانابة اليه. ولو حصل له جميع ما يلتز به المخلوقات لم يطمئن اليها ولم يسكن اليها بل لا تزيده الا فاقة وقلقا حتى يظفر بما خلق له وهى له الرسول ما تصلي عليه. صلى الله عليه وسلم. ينام جنب السيدة عائشة تقول حتى يمس جلده جلدي ثم يقوم - [00:25:01](#)

الى اين؟ يقول زريني اتعبد لربي يعني رغم ان هو كان يحب السيدة عائشة صلى الله عليه واله وسلم ومع زوجته ولكن هو مع زوجته بس برضه حاسس بايه بقلق - [00:25:29](#)

عايز ربنا ما يقدرش يستغنى ما يقدرش زريني وانت ملاحز في الجملة كلمة ايه يتعبد لربك. سيبيني الجملة نفسها توحى ان لا انا محتاج محتاج ربنا. عايز عايز ربنا سبحان الملك - [00:25:46](#)

هو ده المعنى العالي اللي عايز يوصل لك انك مهما كلت وشربت وتلززت وتمتعت واه لا لا رغم كل ده انت برضو محتاج محتاج رب. ما فيش حاجة تملئ القلب ده - [00:26:13](#)

الا حب الله سبحانه وتعالى والقرب منه سبحانه وتعالى بل لا تزيده الا فاقة وقلقا حتى يظفر بما خلق له وهى له من كون الله وحده نهاية مراده وغاية مطلبه - [00:26:28](#)

فان الانسان خلق وفيه فقر ذاتي الى ربه والهه سبحانه الله انت خلقت اصلا فقير قلبك مفتقر الى الله عشان كده زي ما قلت لكم كثير زمان ان اللي بيشم او بيشرب خمر او غيره عشان يغيب عن الوعي. ليه - [00:26:48](#)

هو محتاج حاجة بيدور عليها بس مش عارف يوصل لها ازاى يعني الولد اللي ماشي بالعربية ومزيكا عالية جدا صاخبة تكسر الدماغ. يا ابني دماغك قال لي ما هي ضربت - [00:27:21](#)

اتضربت خالص. هي دماغه ضربت اصلا وهو بيدور على حاجة بيدور على حاجة. وهو مش عارف حد يدله بالراحة يا ابن الحاجة اهي الله السكة ايه وهو مش مصدق لانه ما جربش. زي ما قلت لكم الموضوع ده - [00:27:34](#)

مش ما يتحكيش الموضوع ده يتايه يتجرب يتعاش يتحس اللي ما حسوش وما عاشوش ما يصدقش به. وما تعرفش انت توصفه له فلذلك جوة قلبك فقر ذاتي ان انت تحبه - [00:27:52](#)

وان انت تعبه وان انت تحمده على السراء والضراء. جوة قلبك جوة قلبك كده اللهم ارزقنا حمدك وشكرك يا رب من حيس هو معبوده ومحبوبه واله ومطلوبه. كما ان فيه فقرا ذاتيا اليه - [00:28:11](#)

من حيث هو ربه وخالقه ورازقه ومديره عشان كده الحمد لله ها العالمي دي اللي احنا عايشينها بقى الحمد لله. يعني الحمد للمعبود. مين المعبود الرب اللي هو المدير الرزاق المعطي - [00:28:28](#)

يبقى رب العالمين هو المعبود الله له الحمد الحمد لله رب رب العالمين الشاهد انك انت لو عرفتته كرب تعبده. فلما تعبده تحمده هي دي جاية كده. الحمد لله رب العالمين. وعشان كده الرسول ما تصلي عليه. صلى الله عليه وسلم. يقول ما احد اصبر على اذى سمعه من الله - [00:28:52](#)

يدعون له الولد وهو يرزقهم ويعافيههم هي دي بقى رب الايه رب العالمين. ان هم يقولوا ربنا ثلاثة يقولوا ربنا عشرة. يقولوا ربنا ما فيش ويرزقهم ويديهم ويستترهم ويعافيههم ويسخر لهم اللي في السما واللي في الارض - [00:29:19](#)
كريم سبحانه وتعالى احبتي في الله انتهى الوقت المخصص في هذه الحلقة وبقيت من الشريط مادة نكتفي على هذا القدر والحق ما يأتي بما سبق ان شاء الله في الحلقة القادمة. احبكم في الله والسلام عليكم ورحمة الله - [00:29:42](#)